

梅

里

志

梅里志卷第十三

里人楊謙纂 李富孫補輯 余楫續補

李保宸參校

節烈二

補李鳳陽妻胡氏年三十四夫亡子稚家貧時歲浹饑糲殍弗繼或勸攜孤擇所適益毀容自矢晝夜操作教子讀書不成乃使學稼後稍稍自給將謀娶婦而子病殞過哀成疾順治十五年卒苦節十八年

陳世英妻顧氏年二十夫亡無子止一女康熙六年卒守節四十四年

庠生李嗣馨妻曹氏平湖庠生堅女年二十夫亡遺孤纔五
齡家素貧崇禎己卯後饑饉殍臻一手織屨以事舅姑旋值
兵燹奉寡姑以周旋爲子擇師授室克繼先業康熙二十一
年卒守節四十三年

庠生李如玉妻錢氏年二十一夫亡父母憐其少試飪以言
輒欲自戕知不可奪乃止常獨處一室不輟女紅戚黨罕見
其面康熙三十三年卒守節五十年

王紫祥妻錢氏庠生子晉女年二十八夫亡止二女立夫姪
爲嗣遭凶荒家落奉姑盡孝婚嫁皆有禮康熙三十七年卒
守節四十五年

庠生李岐步錢氏年二十四夫亡無後立從子爲嗣撫如己
出事堂上盡孝康熙三十九年卒守節二十五年

庠生金枚臣妻汪氏年二十六夫亡康熙四十七年卒守節
五十四年

貢生李天一妻繆氏庠生泳女年二十夫亡無子痛不欲生
姑慰之乃止事姑盡孝以夫從弟子爲嗣康熙五十年卒守
節十九年

李明文妻馮氏年二十夫亡無子屏居斗室不踰外戶康熙
五十六年卒守節五十二年督學顏其閭曰節壽雙臻娣
婦明良妻張氏庠生日如女年二十九夫亡撫子成立茹素

終身一門雙節康熙四十二年卒守節三十一年督學彭表其廬曰貞風懿範

褚瑞妻張氏年十八夫亡撫子成立雍正十三年卒守節二十年

戴源端妻張氏年廿八夫亡雍正十三年卒守節二十四年庠生李尙鑑繼妻馮氏年二十五夫亡撫二子訓誨甚嚴乾隆元年卒守節六十三年學使鄧給額曰松操柏年

李華勲聘妻朱氏庠生南岡女年二十一于歸有期而夫凶問至遂謝鉛華減飲食不下樓者歲餘鬱鬱以歿時乾隆二年家人得其手書願歸李氏四字于枕函中因合葬于李塋

嗣夫從子培豐爲後

李應鳳妻陳氏年二十五夫亡撫子廷桂成立乾隆五年卒
守節三十二年

吳永昭妻方氏年二十五夫亡乾隆六年卒守節四十九年
錢似畝妻顧氏年二十七夫亡撫子成立乾隆八年卒守節
十六年

李建中妻嚴氏年二十六夫亡事姑盡孝訓子備嚴寒暑紡
績不輟乾隆十二年卒守節二十六年

張鑑妻李氏年二十四夫亡遂絕粒死時乾隆十二年

庠生金于岡妻李氏庠生岱女年十九夫亡撫子巨璞成立

乾隆二十六年卒守節五十九年

兩淮鹽使李陳常妾周氏年二十四陳常歿于官撫子宗智克成先業乾隆十六年卒守節三十六年

張仲賢妻爰氏年二十九夫亡無子事翁姑維孝以夫弟子爲後乾隆十七卒守節四十三年

庠生蔣鎔妻周氏年三十夫亡遺孤僅三齡家貧翁姑年老孝養無虧撫子成立乾隆十七年卒守節四十六年

沈思安妻徐氏年二十六夫亡止一女依母家紡績度日葬夫嫁女皆出十指越十餘年立夫姪爲嗣乾隆十八年卒守節二十七年

孫某妻程氏夫早亡無子翁姑憐其少欲奪其志投河死時
乾隆十八年事

馮大池妻張氏年三十一夫亡乾隆十九年卒苦節三十二
年

王汝深聘妻伍氏煥若女未嫁夫亡女知之卽誓死不食母
強之復食踰半載父母更許他姓女闔樓扉自縊急救得蘇
由是絕粒七日不死服鹽汁吞鉛銅啖斷腸花根露受寒霜
引刀自刺凡可以速死之具無弗爲俱以救免後防稍懈裂
衣襟續若縵懸樓下死時乾隆二十年六月當盛暑越三日
殮貌如生蠅不敢近距汝深死一載云後里人欲具事請

旌爲吏議所格學院某顏其額曰冰雪聰明

李節婦張氏先曾祖考茱村公室國子監學正懷遠女年三十四而寡公病時盡典簪珥以供藥餌終不起遺孤纔十齡家益貧乃晝夜操作至老寒暑無間乾隆二十六年卒苦節四十四年嘉慶五年知府伊公知縣司俱載入郡縣志

金巨璞妻張氏秀水舉人仁浹女年二十五夫亡奉養寡姑李盡孝撫子成立與姑共勵冰霜一門雙節乾隆二十六年卒守節五十九年

鍾綸言妻張氏年二十九夫亡撫嗣子成立乾隆二十七年卒守節二十一年

監生李日知妻蔡氏國學生遠士女年三十一夫亡守節
撫以成立乾隆二十七年卒苦節四十八年

葉兆芳妻顧氏年十九夫亡乾隆二十八年卒守節四十
年

父益三妻戴氏年二十九夫亡乾隆二十九年卒守節四十
七年

永昌郡守李宗渭妾王氏年二十六宗渭病篤刲股和藥
進尋歿矢志不移事主母二十餘年無疾言遽色乾隆三十
年卒守節三十九年

馮存雅妻蔣氏年二十七夫亡乾隆三十年卒守節二十六

年

程光祖妻王氏年二十八夫亡撫子成立乾隆三十一年卒
守節四十二年

監生王翼蒼妻褚氏年二十六夫亡乾隆三十二年卒守節
三十七年

庠生史應侯妻張氏年二十二夫亡乾隆三十四年卒守節
三十一年

何簡霞妻張氏年三十夫亡無子事舅姑盡孝乾隆三十六
年卒守節五十六年

鴻儒繼妻馬氏年二十七夫亡乾隆三十六年卒守節四

十六年

監生何世杰妻金氏國學生枝女年二十五夫亡孝事翁姑撫二子俱成立乾隆三十八年卒守節四十七年

丁灝亭妻許氏年二十九夫亡拮据度日撫子成立乾隆三十八年卒守節四十年

監生吳萃伯妻戴氏年二十五夫亡無子撫夫姪爲嗣乾隆三十九年卒守節四十三年

錢維章妻崔氏年二十四夫亡遺孤纔百日孝事孀姑備嘗荼苦撫子成立乾隆四十年卒守節三十一年

祝爾載妻董氏年二十四夫亡無所依歸母家荼苦終身乾隆

隆四十一年卒守節六十年

何履高妻姬氏年二十七夫亡事孀姑盡孝乾隆四十一年卒守節五十年

馮殿桓妻殷氏庠生揆臣女年二十九夫亡乾隆四十一年卒守節五十年

庠生李煊妻許氏紹興人年二十九夫亡絕粒欲殉戚黨咸以有娠慰勸勉進飲食遺腹生子昌嗣曰自今夫有後矣竟絕食死時乾隆四十二年

陳體元妻李氏年二十五夫無子服鹽滷家人急救得免屢欲求死姑百方慰諭防範乃止撫夫姪於襁褓中爲嗣事

翁姑盡孝乾隆四十二年卒守節三十七年

吳起鳳妻徐氏年二十三子歸纔十八日夫亡哀傷成疾越十年卒時乾隆四十二年

州同沈廷璧繼妻施氏年三十夫亡撫子翔蛟成立乾隆乙未氏八十漕院嘉公給瑤池冰雪額四十三年卒守節五十年

陳駕滄妻陳氏年廿一夫亡乾隆四十三年卒守節十九年監生錢服耕妻王氏年二十八夫亡乾隆四十三年卒守節三十四年

胡元芳妻杜氏年二十五夫亡撫子成立乾隆四十四年卒

守節二十六年

監生王幹亭妻朱氏年二十八夫亡乾隆四十五年卒守節四十一年

陳尙安妻曹氏年二十九夫亡乾隆四十五年卒年一百歲守節七十一年

張玉三妻孫氏年二十七夫亡乾隆四十六年卒守節六十年

徐之濟聘妻沈氏湖郡國學生世業女名光貞自幼通書史動必以禮嫁有期夫亡父母祕弗言年餘有乳媪洩之女聞慟絕而甦誓志歸徐氏孝舅姑和叔娣庶姑張氏有子爾駿

甫週歲張卒賴以教育親授經傳弱冠入庠後繼爾駿子爲
嗣居梅里乾隆四十六年卒年六十九守貞三十餘年

張嗣妻金氏年二十六夫亡遺孤甫三歲奉侍舅姑曲盡孝
道撫子成立乾隆四十七年卒守節三十一年

程友三妻王氏師周女年二十三夫亡遺腹生子撫之成立
乾隆四十八年卒守節五十六年

監生孔傳荃妻吳氏年二十三夫亡撫子成立乾隆四十八
年卒守節三十六年

錢始璜繼妻周氏年二十六夫亡撫子成立乾隆四十八年
卒守節三十三年

何思陶妻李氏海鹽庠生重光女年二十八夫亡孝事舅姑撫子成立乾隆四十八年卒守節三十年

州同銜陳嘉謨妻金氏年二十八嘉謨歿矢志靡它乾隆四十八年卒守節五十二年

王思贊妻盛氏年廿五夫亡乾隆四十九年卒守節十四年陸天倫妻張氏年三十夫亡乾隆四十九年卒守節四十年王蘭芝妻謝氏年二十七夫亡生三子仲季相繼殤有欲奪其志者誓死不改紡績寒暑靡間撫長子成立乾隆五十年卒守節二十一年

王振先妻葉氏年二十六夫亡乾隆五十年卒守節十八年

陳公干妻徐氏年二十八夫亡撫子成立乾隆五十年卒守節六十二年

姚思珍妻衛氏年二十一夫亡無子嗣夫從子自襁褓撫育之以紡績供翁姑甘旨後歿盡典釵珥勸葬子婚娶後又卒與婦魏氏熒熒兩世備極荼苦乾隆五十一年卒守節五十五年

監生徐林葵妻郁氏年二十六林葵歿撫子成立乾隆五十一年卒守節二十年

貢生李三才妻張氏國學生振宗女年二十九夫歿痛不欲生時姑年已衰邁子壽昌纔八歲乃強起持門戶拮据撫育

終以勞瘁憂鬱致疾臥牀十數載乾隆五十一年卒

閩監生吳敏求妻李氏鹽院陳常女年二十九夫應京兆試卒翁節民爲松江知府罷官寓吳門家日落氏勤女紅孝養無缺一子又夭折翁歿依于母家乾隆五十二年卒守節四十四年

俞叙元

一作序賢

妻金氏南洲女年二十夫亡乾隆五十二年卒

守節五十二年

王廷選妻褚氏年二十五夫亡乾隆五十二年卒守節三十五年

監生沈蓼懷妻陸氏年十九夫亡乾隆五十三年卒守節五

十六年

李遇襄妻林氏年二十四夫亡乾隆五十三年卒守節四十九年

監生鄭祖謙妻李氏明經之械女嫻習詩禮能詩年三十二夫亡撫二子俱成立乾隆五十三年卒守節二十九年

朱可均繼妻陳氏年二十六夫亡乾隆五十四年卒守節四十一年

庠生顧卿妻陳氏年二十八夫亡踰年翁歿喪葬盡禮撫子成立乾隆五十四年卒守節二十年

庠生錢一青妻沈氏年二十五一青歿乾隆五十四年卒守

節五十年

劉瑞璧妻徐氏年三十二夫亡茹縵終身乾隆五十四年卒
苦節三十六年

庠生顧與耕繼妻徐氏年三十一夫亡遺子尙在襁褓撫養
成立又卒與寡媳陳氏堅貞共勵乾隆五十五年卒苦節三
十二年

吳尹中妻張氏年二十七夫亡遺腹生子甫得成立又天乾
隆五十五年卒守節五十年

監生鄭元堡繼妻張氏舉人簡女年二十八夫亡侍奉翁姑
盡孝撫子芬亭枝桂篝燈課讀芬亭弱冠游庠二子婚娶後

俱早卒芬亭妻崔氏年二十九而寡事姑盡孝勤女紅以奉
甘旨教長子泉早列鬢序一門雙節張乾隆五十五年卒守
節四十年崔嘉慶九年卒守節三十三年

庠生陳兆餘繼妻孫氏年三十夫亡乾隆五十五年卒守節
二十五年

俞廷槐妻顧氏年二十八夫亡乾隆五十五年卒守節二十
三年

監生李光暎妾陳氏年二十四光暎歿生三女日勤鍼黹教
有閨範乾隆五十五年卒守節五十五年

陳曰銘妻王氏年二十四子歸八月夫亡無子以夫從子爲

嗣撫之成立乾隆五十六年卒守節四十四年

崔元炤妻徐氏年二十五夫亡乾隆五十六年卒守節二十二年

陳佐遇妻周氏年二十九夫亡乾隆五十六年卒守節三十七年

沈朝珩繼妻王氏年三十夫亡撫子士通士英俱成立乾隆五十六年卒守節三十三年

計有年妻周氏年二十一夫亡遺一子甫成婚旋卒家貧又無親族可依子立一身苦困萬狀乾隆五十七年卒守節五十年

於彩文妻徐氏年二十一夫亡勤勞紡績撫子成立乾隆五十七年卒守節五十一年

監生馮光祚妻姜氏年二十二夫亡撫育遺孤成立乾隆五十七年卒守節二十年

高佐朝妻張氏年三十夫亡乾隆五十七年卒守節二十七年

庠生蔣羽音妻王氏年二十二夫亡無子值家難依子母家紡績自給後立嗣子乃歸乾隆五十八年卒守節四十一年楊成之妻蔡氏年二十九夫亡遺一子不育屢欲死時翁已篤老勸止之乃撫夫從子爲後乾隆五十八年卒守節三十

五年

監生徐源龍妾周氏年二十九夫亡源龍歿乾隆五十八年卒守節五十七年

周廷楷妻朱氏年二十九夫亡撫二子皆成立乾隆五十九年卒守節五十二年

陳保承妻尤氏年十九嫁未一月夫亡乾隆五十九年卒守節十五年

沈南國妻鄭氏年二十五夫亡無子歸依母家乾隆五十九年卒守節三十年

俞仕順妻錢氏年二十六夫亡事姑養葬盡禮撫子成立乾隆

隆五十九年卒守節五十九年

程仁德妻韓氏年二十八夫亡乾隆五十九年卒守節四十年

葉均祖妻梁氏年二十九夫亡乾隆五十九年卒守節三十四年

王道坤妻鄭氏年二十二夫亡事姑以孝養葬盡禮乾隆五十九年卒守節五十年

陸天雲妻周氏年二十三夫亡乾隆六十年卒守節五十七年

杜卓田妻楊氏年二十九夫亡遺孤纔十月撫之成立乾隆

六十年卒守節四十五年

周渭南妻沈氏年二十八夫亡撫孤應奎教之學早歲列庠序乾隆六十年卒守節五十六年

陳靜賢妻鄭氏年十九夫亡乾隆六十年卒守節四十一年
董孔傳妻錢氏年二十九夫亡極艱苦長子成立又卒次元
相業成衣乾隆六十年卒守節四十八年

監生周紫庵妻繆氏年三十夫亡無子嗣夫姪爲後乾隆六
十年卒守節三十六年

楊天行妻張氏年二十六夫亡遺孤尙幼比長婚娶後溺水
死氏偕婦事老姑撫孫成立嘉慶元年卒守節四十八年

沈大乾妻莊氏年二十六夫亡卽自縊姑急救得不死嘉慶元年卒守節三十三年

馮補君繼妻許氏年二十六夫亡家貧無子嘉慶元年卒守節三十五年

嚴端尙妻王氏年二十七夫亡嘉慶元年卒守節五十年
周渭濱妻孫氏年三十夫亡撫子成立嘉慶元年卒守節十五年

張方行妻李氏年二十二夫亡無子事翁姑以孝聞守節二十八年

監生張恭行妻李氏國學生震聞女年二十四夫亡撫子教

書成立嘉慶二年卒與姒方行妻李氏並守節二十八年

庠生胡元恒妻杜氏年二十五夫亡哀毀欲殉舅姑勸止之撫子婚娶後又先卒撫兩孫俱成立嘉慶二年卒守節五十八年

庠生戴源吉繼妻丁氏年二十六夫亡嘉慶二年卒守節五十年

庠生張秉樞妻伍氏年二十八夫亡無子事舅姑盡孝撫嗣子成立嘉慶二年卒守節五十八年

何滄柱妻袁氏年二十八夫亡營葬翁姑撫子成立嘉慶二年卒守節四十九年

庠生蔣體泉妾潘氏年三十體泉歿子蔣枝甫三齡家貧勤
蠶績以教育之弱冠入庠嘉慶二年卒守節十五年

褚錦綸妾姚氏年二十五錦綸歿嘉慶二年卒守節五十九
年

李銘復妻張氏年十九夫亡無子翁旋歿拮据喪葬事姑盡
孝終身縞素長齋嘉慶三年卒守節三十一年

庠生徐淵妻陳氏年二十八夫亡無子撫夫從子大本爲嗣
嘉慶三年卒守節三十年

沈應龍妻何氏年二十五夫亡撫子成立嘉慶三年卒守節
三十二年

曹柱臣妻何氏年二十三夫亡無子撫夫從子爲嗣嘉慶三
年卒守節三十六年

監生李煥妻金氏年二十七夫亡無子以夫弟子喆嗣兼祧
嘉慶四年卒守節二十七年

鄭從和妻張氏年二十八夫亡嘉慶四年卒守節四十三年
監生沈咸亨妻胡氏年三十三夫亡無子撫夫從子爲嗣備
極勞瘁嘉慶四年卒苦節二十四年

按經歷銜李原妾林氏年三十二原歿嘉慶四年卒苦節二
十七年

李亨妻王氏鳴九女年三十六夫亡遺孤又天以夫弟子蟠

華爲後甘貧守志嘉慶五年卒苦節五十一年

金瑚妻劉氏年二十一夫亡孝事舅姑撫子成立嘉慶五年卒守節六十三年

監生繆培廷妻李氏年三十夫亡嘉慶五年卒守節四十七年

周翼亭繼妻朱氏年二十八夫亡嘉慶五年卒守節三十四年

沈學文妻姚氏年二十九夫亡嘉慶五年卒守節三十六年
監生李宗漢妻彭氏海鹽保定同知景曾女年二十九夫亡
子鵬飛尙幼典簪珥以給脩脯旋入庠食餼嘉慶六年卒守

節六十年

金汝銘妻李氏年二十六夫亡無子撫夫從子爲嗣嘉慶六年卒守節四十四年

潘廷照妻胡氏年二十六夫亡無子撫嗣子成立嘉慶六年卒守節四十四年

庠生姚義爲妻馮氏年二十九夫亡撫子成立嘉慶七年卒守節六十年

吳元貞妻曹氏師言女年三十夫亡嘉慶七年卒守節四十三年

程乾初妻章氏年二十七夫亡無子嘉慶七年卒守節五十

四年

陳序思妻張氏年二十二夫亡長子理堂遺腹子補袞撫之俱成立嘉慶八年卒守節五十二年

王維榮妻何氏年二十夫亡無子繼姪爲後嘉慶八年卒守節三十四年

胡心元妻姚氏年二十八夫亡嘉慶八年卒守節五十四年
張士斌繼妻陸氏年三十夫亡撫子成立嘉慶八年卒守節五十四年

葉茂千妻王氏年十九夫亡嘉慶八年卒守節三十二年

監生顧安期妻陳氏年二十七夫亡痛不欲生念寡姑徐氏

年老子尙幼強進食飲及二子成婚又俱天三世孀居熒熒相弔人生慘痛莫有甚於此者嘉慶八年卒守節二十八年張書賢聘妻杜氏年十一爲養媳夫久病未成婚女年二十四夫亾誓死不改適翁姑憐其志爲之立嗣嘉慶九年卒守貞三十年

濮州知州劉清蓮妻馮氏年二十七夫亾歸依母家嘉慶九年卒守節二十一年

庠生李錦中妻王氏年二十五夫亾無子嗣夫弟子爲後嘉慶九年卒守節四十五年

陸德咸妻聞氏年二十九夫亾嘉慶九年卒守節三十三年

秦用生妻何氏年三十夫亡嘉慶九年卒守節四十九年
游昌查綱妻李氏國學生復女年三十夫亡遺一子將婚而
歿後繼姪爲嗣綱贅于李氏遂移家梅里嘉慶九年卒守節
三十二年

顧奉璋妻褚氏年二十一夫亡無子太姑與姑俱早寡守志
褚嗣子於襁褓中仰事俯育備嘗艱苦嘉慶十年卒守節十
五年

張聚妻繆氏年二十一夫亡嘉慶十年卒守節四十五年
庠生胡大鏞繼妻陳氏年二十八夫亡嘉慶十年卒守節二
十八年

何廷楷妻孫氏年三十一夫遠遊客死遺子甫七歲撫之成立嘉慶十年卒苦節四十一年

周端雲妻伍氏年二十三于歸數月夫亡翁憐其少勸他適氏絕粒不欲生親族交慰之翁爲繼二子俱撫之成立嘉慶十一年卒守節四十七年

陳漣妻陸氏年二十二夫亡無子止二女俱早歿荼苦終身嘉慶十一年卒守節六十年

金如虹妻張氏年二十三夫亡嘉慶十一年卒守節四十年
曹學田妻王氏年二十九夫亡嘉慶十一年卒守節五十五年

杜坤山妻俞氏年二十七夫亡嘉慶十一年卒守節三十五年

王載常妻朱氏年二十九夫亡嘉慶十一年卒守節十五年
張肇雲繼妻陳氏年三十一夫亡撫子成立嘉慶十一年卒
苦節十七年

何斯敏妻丁氏年三十三夫亡無子家貧紡績以給撫姪爲
後年五十四卒守節二十一年

舉人吳學韓妻張氏庠生機女年二十九夫亡嘉慶十二年
卒守節三十六年

庠生沈紀書妻徐氏年二十六夫亡踰年舅姑相繼歿喪葬

盡禮嘉慶十二年卒守節四十七年

金立成繼妻杜氏年二十夫亡遺孤甫八月及前室子俱撫之成立嘉慶十二年卒守節十一年

龔永芳妻沈氏年二十八夫亡撫子成立嘉慶十二年卒守節三十八年

楊武干妻李氏年二十六夫亡嘉慶十二年卒守節五十二年

李遇賢妻王氏年二十三夫亡嘉慶十二年卒守節四十八年

陳天友妻徐氏年三十二夫亡遺一子一女家赤貧節無粒

米氏號泣昏絕親戚各伙助爲夫殮子就塾逾冠又殤氏慟絕於地爲人救甦日茹粗糲身無完衣雖飢寒逼迫終無怨言嘉慶十二年卒苦節四十四年

杜裕堂妻吳氏年二十九夫亡撫子成立嘉慶十二年卒守節二十九年

任季良聘妻王氏名佩芳庠生啟曾女年二十四將嫁夫亡聞計哀痛減食誓不再字鬱鬱成疾越一載嘉慶十二年卒曹大中妻戴氏年三十夫亡嘉慶十三年卒守節四十五年杜炳妻錢氏年二十九夫亡遺一子家貧依親戚以居後子成立終養于家嘉慶十三年卒守節三十四年

錢文玉妻徐氏年二十三夫亡撫子成立嘉慶十三年卒守節四十六年

馬安國妻陳氏年二十五夫亡嘉慶十五年卒守節四十五年

王廷璋繼妻李氏年二十五夫亡嘉慶十五年卒守節四十六年

王德乾妻何氏年三十夫亡嘉慶十五年卒守節三十五年
章宏遠妻陸氏年二十八夫亡撫養二子成立嘉慶十五年卒守節四十年

姚汝賢妻儲氏年二十七夫亡嘉慶十八年卒守節三十年

一丐者朱國祥妻王氏年二十四夫亡無子事舅姑撫兩女所
居茆屋兩間鄰比罕見其面後姑欲奪其志氏恬然無忤色
及迎者至門氏徐起入臥室久不出姑窺之已自縊牀頭死
今年二十六時嘉慶十九年學使汪公廷珍以致命遂志旌
之

陳已成

字四如節
孝錄複見

妻朱氏孝廉以綸女年三十夫亡遺子僅

三齡及長婚娶後又卒與婦于氏熒熒紡績以自給嘉慶二
十年卒守節四十九年

錢如松妾戴氏年二十七如松亡撫嫡出子成立嘉慶二十
二年卒守節四十五年

王啟人妻秦氏年二十夫亡嘉慶二十三年卒年九十歲
庠生陳瑞妻王氏年三十二夫亡撫遺腹子秀早游黌序旋
夭折寡媳弱孫劬育備至嘉慶二十三年卒苦節五十年
監生馬侑妻吳氏年三十六夫亡孝事尊章歿後藉紡績以
營喪葬教二子成立苦節三十六年嘉慶二十四年巡撫陳
公若霖以筠節可風表其閭

庠生金易妻何氏年三十四夫亡事舅姑極孝家貧恒事女
紅奉甘旨子爾梅僅三歲教養入黌序年六十卒苦節二十
七年嘉慶二十四年巡撫陳公若霖以勵志如金額獎之
庠生李元坤妻張氏年二十七夫亡撫育遺孤長精于醫嘉

慶年卒守節六十一年

王克昌妻秦氏年十九嫁未兩月夫亡貧無室廬依親戚家以紡績自給嘉慶年卒守節六十一年

李師懃妻查氏海昌國學生志王女年三十夫亡遺子螟婚後又卒與婦日夜紡績以食嘉慶年卒守節五十一年張誠妻陳氏年二十三夫亡事姑盡孝撫子成立嘉慶年卒守節四十一年

陳大川妻王氏年二十一夫亡嘉慶年卒守節四十一年馮大年妻沈氏年二十九夫亡嘉慶年卒守節四十一年陽龍妻鄭氏年二十七夫亡嘉慶年卒守節四十一年

鄭大衢妻胡氏年二十八夫亡嘉慶年卒守節四十年
王家相妻孫氏年二十三夫亡嘉慶年卒守節四十年
錢均山妻錢氏年二十九夫亡嘉慶年卒守節四十年
李如賓妻胡氏年二十三夫亡嘉慶年卒守節四十年
監生李元均繼妻夏氏年二十六夫亡撫前室子如已出嘉
慶年卒守節四十年

張慎高妻李氏年三十夫亡無子歸依母家紡績自給繼姪
爲嗣嘉慶年卒守節四十年

汪松廷妻朱氏年三十夫亡嘉慶年卒守節三十年
馮峻妻戴氏年三十夫亡無子家故貧以鍼術所獲供甘旨

嗣姪爲後嘉慶元年卒守節三十一年

倪紹周妻沈氏年二十三夫亡無子子然一身茹素飲藥嘉慶元年卒守節四十一年

朱義遵妻葉氏年二十六夫亡嘉慶元年卒守節四十一年
沈亮侯妻錢氏年二十六夫亡嘉慶元年卒守節四十一年
胡仲韜妻顧氏年二十八夫亡無子撫夫兄子爲後又早歿
荼苦一身嘉慶元年卒守節三十一年

吳承載妻徐氏年二十九夫亡嘉慶元年卒守節三十一年
王維光妻胡氏年二十夫亡無子操作以奉舅姑養葬盡禮
嘉慶元年卒守節四十一年

錢含珠妻杜氏年二十夫亡撫子成立嘉慶元年卒守節四十年

上海胡獻之妻葉氏年二十三夫亡家貧止一女越歲歸依母家後賃居獨處以紡績自給嘉慶元年卒守節四十年

李伯球妻陸氏年二十八夫亡家故貧孝事舅姑撫子成立嘉慶元年卒守節三十年

曹其誠妻王氏年二十八夫亡遺腹生子撫之成立嘉慶元年卒守節三十年

金明光妻張氏年十四爲養媳二十四歲夫亡無子家無儲蓄操作度日道光元年卒守節三十三年

朱配堂繼妻李氏年二十四夫亡撫遺腹子成立道光元年卒守節三十七年

沈維新妻錢氏年二十七夫亡事舅姑孝無子以夫從子爲嗣道光元年卒守節三十五年

張賜福妻周氏年二十一夫亡家貧以紡績自給道光元年卒守節二十五年

陳元龍妾姚氏年二十一元龍歿子尙在襁褓撫之成立道光元年卒守節四十一年

庠生錢鼎妻王氏年二十七夫亡道光二年卒守節四十四年

李麒妻甘氏年三十五夫客死廉州無子依夫從弟爲活爨居困悴年七十道光三年卒苦節三十五年

監生李顯宗妻朱氏文恪公國祚曾孫女年二十三夫亡屏去華飾徧閱經史晚悟內典持誦不輟守節五十八年

庠生李某聘妻杜氏官谿人許字青谿李某甫入泮而歿氏歸李守夫喪誓死不嫁

陳安如妻陳氏年二十九夫亡遺孤甫四歲踰七年子溺水死氏大慟遂縊于夫柩旁

監生金葆曾妻王氏夫亡子德華尙幼氏哭暈絕地旣蘇不能哭血淚迸枯數日卒

李鉉妻錢氏夫病氏不食夫亡氏血淚交迸竟長號而逝
庠生馬恂如妻蔣氏年三十夫亡遺孤玉階抱癯疾婚後又
早卒婦鍾氏年三十奉寡姑甚孝姑年七十一而歿氏悲慟
過甚兩目失明旋卒守節二十九年

陳某聘妻李氏庠生僕女年四歲許字湖郡陳麟佳子年十
二而卒訃至女哭之哀聞者皆流涕遂減飲食臥牀褥瀕危
謂其媼曰余死爲陳氏鬼其無憾矣言畢卽逝時年十五陳
迎柩與子合葬焉

監生姜文麒妻翟氏年二十六夫亡無子撫夫兄子潮爲後
守節三十六年

王孚伯聘妻張氏年十六爲養媳逾年夫病革姑遣之歸夫旋歿居數日女求歸王氏入門知夫已死卽暈絕有頃復甦臥牀不食五日而卒遂合葬以成其志

史德三妻吳氏年二十七夫亡家貧無子荼苦終身守節五十年

張蒼顏妻羅氏年二十九夫亡家極貧朝夕紡績積賣布錢營兩世葬守節四十餘年

王乙書妻朱氏年二十八夫亡孝養翁姑教育三子俱成立守節四十餘年

陳瑾妻張氏年二十四夫亡無子嗣夫從子爲後守節三十

餘年

王世邁妻葉氏年二十夫亡無子姑年七十餘奉侍極孝朝夕供膳出自手指守節十一年

監生仲元吉妻李氏年二十四夫亡守節十五年

何典揆妻趙氏年二十五夫亡守節四十八年

李公良妻張氏年二十六夫亡守節五十七年

何思周妻周氏年二十八夫亡守節四十三年

陳修遠繼妻黃氏年二十八夫亡守節四十八年

監生馮觀揚妻杜氏年三十夫亡守節三十年

錢含光妻許氏年三十夫亡守節五十年

張介倫妻盛氏年二十二介倫卒守節三十年

李鄂妻王氏夫早亡無子以夫從兄子爲後守節數十年

程培齋妻徐氏

徐長發妻毛氏年二十一夫亡守節三十二年

沈大山妻沈氏年一十四夫亡守節四十三年

監生胡萬程妻胡氏年二十三夫亡撫夫兄子爲後守節四

十年

梁奕蘭妻李氏年二十七夫亡紡績養姑撫二子成立嘉慶

年卒守節三十一年

馮我周妻爰氏年二十九夫亡守節三十一年

鄭玉鉉妻陳氏年十八夫亡守節三十一年

姚文毓妻魏氏年二十六夫亡無子孝事孀姑衛氏一門雙節日勤針黹爲活計撫夫從子爲嗣守節三十一年

沈鍾秀妻梁氏年二十八夫亡守節三十一年

王叙賓妻黃氏年二十八夫亡守節三十一年

王守先妻錢氏年二十九夫亡守節三十一年

監生張宗發妻吳氏年三十夫亡守節三十一年

張愼行妻方氏年二十三夫亡守節三十一年

王桓妻孫氏年二十七夫亡撫子成立守節三十一年

曹鼎魁妻崔氏年二十八夫亡守節三十一年

沈允廸妻王氏年二十八夫亡守節三十一年

李文煥妻湯氏年二十九夫亡撫子成立守節三十一年

薛庭耀妻馬氏年二十三夫亡守節三十一年

監生沈咸和妻王氏年二十九夫亡無子撫夫從子爲後守

節三十一年

歿有仁妻陸氏年二十九夫亡守節四十一年

樊必祥妻陳氏年二十五夫亡守節三十一年

曹秀山妻周氏年二十六夫亡守節三十一年

王三甫妻韓氏年二十七夫亡無子以夫從子爲嗣守節三

十年

監生錢蘭裔妻朱氏年二十九夫亡守節三十
案節孝錄又有

錢蘭裔上金氏其夫亡及存年皆同
恐卽一人複朱金二字疑有一誤

褚元愷妻黃氏年二十三夫亡撫子成立守節三十

張聖山妻何氏年二十三夫亡事姑孝撫二子成立守節三

十

于新甫妻倪氏年二十四夫亡守節三十

毛之遂妻沈氏年二十七夫亡遺孤纔週歲撫之成立守節

三十

朱壽田妻孫氏年二十二于歸五月夫亡家徒壁立子然一

身守節三十

監生張道益妾張氏年二十三適益卒守節三十一年

李培正妻任氏年二十二夫亡無子嗣夫從子爲後守節四十四年

金士鳳妻鄭氏年二十二夫亡守節三十一年

胡兆昌妻王氏年二十二夫亡守節三十一年

尤晉蕃妻鄭氏年二十三夫亡遺腹生子長齡撫育成立孝事尊章歿後喪葬盡禮守節三十三年

舉人許宣猷妻查氏年二十六夫亡守節三十一年

周孔嘉妻孫氏年二十三夫亡撫子成立守節三十一年

胡貢祿妻何氏年二十三夫亡守節三十一年

陸敬夫妻沈氏年十九夫亡守節三十一年

朱元貞妻張氏年二十一夫亡守節三十一年

許廷元妻朱氏年二十四夫亡家故貧紡績度日守節三十

年

高憲章妻許氏年二十一夫亡守節三十一年

李輔廷妻王氏年三十夫亡守節三十一年

莊國球妻張氏年二十九夫亡守節三十一年

徐詳妻楊氏年二十九夫亡撫子成立守節三十一年

沈榮立妻顧氏年二十九夫亡守節三十一年

金士求妻孫氏年二十五夫亡守節三十一年

陳勲妻馮氏年二十二夫亡家貧甚紡績以謀朝夕兩世舅姑俱在堂侍奉能得其歡撫遺腹子成立守節二十八年監生李翰妾羅氏貴筑人年二十五而寡祇一女撫育嗣子成立守節二十六年

庠生張昌科妻錢氏結褵二載餘年二十三夫亡遺子纔數月又殤氏痛不欲生姑慰許以夫兄子爲嗣貧無資產常依母氏於禾中事君姑極孝歲時必來省侍親奉甘旨人皆爲稱歎

李貞女壽筠孝廉方正穀女八歲許字松江蔡少司寇鴻業曾孫景福逾四載而天女微聞之每食鹽菜衣敝衣父母憐

其少思轉移其志終不可奪嘉慶二十五年年二十二適蔡氏守貞族郇皆嗟歎爲賦詩以賸之時穀從兄上舍培本女九齡許字郡庠生朱鼎爵子淞越七載淞卒女聞訃輒毀容涕泣欲詣大家父母婉爲勸喻絕粒數日以死自誓乃許之道光元年歸朱氏年二十八事姑盡孝一家雙貞鄉里稱之

蔡氏貞女年六十三歲卒歸朱氏貞女

王思祖妻胡氏年二十一夫亡僅一月終彌月上事舅姑備極孝謹撫夫從子爲嗣守節十八年

梅里志卷十四

里人楊 謙纂 李富孫補輯 余 林續補

李保宸參校

節烈三

續補屠孝女康僖公勲後性至孝三歲喪父母病欲剝肝療治以匕首剝入胸脇間昏暈仆地倉卒不得肝而母疾已不起喪終誓不嫁入伏獅禪院焚修初名塵竟繼改夢證不識字不誦經惟精心禮佛有施助者則以葺庵宇及橋梁道路其兄不克葬親爲買地以營窆焉

安晚堂集

孝廉方正李穀妻朱氏翁病革與夫同時刲股暈絕良久始

蘇急和藥以進而翁疾已不可爲矣氏哀痛盡禮年二十一

卒

司志

馮登善妻仲氏處士泰女年二十四夫亡僵臥絕粒欲以死
殉姑泣慰之曰遺娠將分娩若男也尚可撫孤以立門戶乃
強起進食既產得子甫十月遽殤旋以從姪夢影爲嗣撫之
如所生夙患咯血症日益增劇守節十一年卒道光十一年
旌

王仁齋妻朱氏生而淑靜既嫁事姑以孝事夫以敬年二十
八而寡守節十四年卒道光十八年旌

曹佐廷妻姚氏年二十夫亡矢志冰雪鄉里罕識其面守節

二十四年卒道光十八年 旌

錢仲華妻韓氏年二十二夫亡撫孤延齡教養成立守節五十二年卒道光十九年 旌

廩生曹士銓繼妻 氏年二十七夫亡事邁姑撫幼子茹水飲藥清操凜然守節三十年卒道光二十年 旌

庠生王步雲妻孫氏文學淡人女幼嫻詩禮既嫁克盡婦道年三十夫亡遺孤維鏐維鈞撫教成立守節五十年卒道光二十一年 旌

監生王凌雲妻孫氏耀祖女性純孝年十四嘗刲股以療母疾既嫁事翁姑以孝處妯娌以和年三十夫亡遺孤福祥撫

教成名歷官雲和訓導麗水教諭皆迎養署中守節五十六年卒道光二十一年旌

監生金汲三妾夏氏年三十夫亡孝事其姑藉十指以養守節五十年卒道光二十四年旌

阮嘉賓妻程氏年二十夫亡毀容矢志閨範肅然守節四十八年卒道光二十六年旌

王學賢妻錢氏年二十四夫亡無子紡織力食晚年目盲耳聾鄉里重其德咸周卹之守節六十年卒道光二十九年旌

曹樹椿妻方氏硯耕女年二十夫亡撫遺娠子成立守節四

十八年卒道光二十九年 旌

周德順妻張氏年二十七夫亾食貧撫孤備極勤劬里遭兵亂子四喜及幼孫俱殉難子然一身衣食恒不給里中好義者月餽錢米以周濟之卒後並率錢爲之葬焉守節五十年道光二十九年 旌

從九品阮坤華妻金氏年二十一夫亾事姑孝拮据奉甘旨無缺守節五十八年卒道光二十九年 旌

趙三元妻姚氏年二十四夫亡遺孤春山甫六歲氏辛勤鞠育教養兼備守節三十九年卒道光二十九年 旌

張鳳輝繼妻韓氏年十九夫亾遺孤德儀尚在襁褓並撫前

室所生子德偶成立守節六十二年卒道光二十九年旌

監生陳鴻妻陸氏年二十夫亡無出撫姪蔭華爲嗣事姑盡孝教子有方守節數十年卒道光二十九年旌

李蓮妻父氏年十九夫亡遺一女嫁之以時嗣子殤後復撫其孫家故貧藉女紅自給守節五十四年卒道光二十九年旌

周錦華妻沈氏年二十八夫亡食貧守志蠶織自給守節三十八年卒道光二十九年旌

吳燮堂妻金氏年十八而嫁嫁僅數月而寡年少家貧矢志不渝守節五十餘年卒道光二十九年旌

監生陳雲舟妻彭氏年二十九夫亡簪蒿裙布矢志如一守節三十二年卒道光二十九年旌

吳韓壽妻張氏年二十三夫亡事姑撫子孝慈兩盡守節三十三年卒道光二十九年旌

張台秀妻鄭氏年十六結褵甫三月而寡屢欲身殉時翁在堂慰諭之乃銜哀忍死既而遺腹生男撫孤成立婚娶以時奉翁壽終喪葬盡禮守節五十六年卒道光二十九年旌
馮昆石妻陳氏鳴孝女年二十六夫亡撫孤成立持家勤儉守節五十一年卒道光二十九年旌

錢榮光妻戴氏年二十六夫亡撫孤成立家故貧蓬戶蕭然

操作無怨守節三十餘年卒道光二十九年 旌

張烝妻章氏昇書女年十八夫亡遺腹生子甫周歲殤因撫
姪鉦爲嗣教養成立孫潤讀書入庠守節五十二年道光二
十九年 旌見存

監生金家珍妻蔣氏年二十五夫亡無出撫姪世松爲嗣娶
婦馬氏監生鑑女世松早卒時馬年二十有七姑媳孀居冰
霜共礪蔣守節六十三年卒馬守節四十九年卒時稱一門
雙節道光二十九年 旌

從九品戴陞元妾王氏年二十七而寡陞元病篤時因妻與
繼妻無出欲繼姪爲嗣歿後二十七日氏遺娠生子金榮鞠

育成立守節四十二年道光二十九年 旌見存

監生金培妻孫氏靜安女年二十八夫亡遺孤豪甫四歲撫教成立守節五十年卒咸豐八年 旌

沈培信聘妻金氏從九心印女將議婚夫以病痢卒初不令女知既聞泣不止父母慰諭之遂屏紈綺釵珥之飾如未亡人獨居一室未嘗露齒守貞數年旋得咯血症抑鬱而卒同治八年 旌

費宗達妻某氏甯波人宗達爲嘉協副將遂家於郡夫死子亡婦姑並寡茹冰飲蘖節操凜然咸豐十年寇警日急徙里之漾葭灣以居郡城陷後氏語婦曰使賊而亦至此也當共

死勿爲門戶玷婦曰諾七月晦日賊陷里氏焚香閉戶更朝服與婦同經於室里人義而葬之同治八年 旌

瞿富藻妻浦氏江蘇婁縣人嘉興縣丞綬章子婦也時侍翁在任所咸豐十年七月晦丞率團勇擊賊受傷歸署浦從複壁中出炊粥以進事益加謹八月六日賊復至丞投水自盡浦曰大人受國恩從容殉難我幼婦可苟免以辱門戶耶亟攜幼女亦從之時浦方娠溺於河而婉鄰嫗曰凡女溺體必仰而浦尸則俯以烈死故也同治八年 旌

布經歷銜馮啟源妾錢氏啟源有子二柳孫芸孫芸孫出也夫故守志撫孤柳孫與妻許氏謹事之咸豐十年四月賊

犯郡城避居里南王家兜七月晦里亦陷錢察柳孫有死志
因謂之曰不幸事急女子當死男子當避宗祀不可斬也柳
孫但促芸孫去語次賊猝至芸孫被執柳孫急躍入水以自
沉錢與許及女一女孫二女姪孫一皆從之許溺時戴襦襖
子於首啟源有從弟偕士救而出之撫之七日殤同治八年
旌

廩生史致中妻倪氏夫亾守志家範肅然子豫貞亦廩生娶
婦孝豫貞早故兩世清操稱於族黨咸豐十年四月避亂於
里東儀安橋二十九日賊掠其村倪投河殉難婦繆氏女九
姑幼孫桐孫皆從之九姑字同里諸生李維楨未嫁維楨病

故維楨弟諸生維梁爲迎栗主人祠並合葬焉同治八年旌

議叙縣丞何宗楷妻吳氏家里西白雲橋時夫兄宗孟子善純創集民團擊賊咸豐十年七月里陷吳曰不幸遇賊斷無生理遂擢舟於河八月三日聞團潰而宗孟善純等俱死因亟投水以殉子善緯善縈女一皆從之姪女二姑字庠生王兆沂及三姑四姑亦死焉又宗楷妹適議叙縣丞祖汝輔時歸省在家及襁褓子延齡婢玉蓮平安俱殉難凡十三人同治八年旌

監生金鯤妻夏氏夫故守志事姑孝咸豐十年七月晦賊至

鄰婦欲掖以避夏弗許曰我半生清操尚欲苟活耶起而投於河死同治八年旌

監生蔣理算繼室張氏原配繆氏生子道張生子進女小姑夫故守志凡四十餘年井臼操勞至老勿怠小姑性孝念母力衰志苦居室不字進妻故又代撫諸姪咸豐十年八月六日賊至向張索金勿應以刀背擊之小姑翼護亦受重傷張越二日死年八十三小姑延兩月死年五十一同治八年

旌

監生陳安慶妻王氏咸豐十年安慶客蘇州因亂歸里四月郡城陷挈家寓里北大橋村村去城二十餘里賊氛日逼王

語夫曰俱死無益因脫簪珥以奉勸令遠避勿斬宗祀且備舟楫強之行七月賊至投河死女字同里戴金甫未嫁亦死焉安慶卒免於難同治八年旌

監生杜昌妻夏氏子百壽孫富春時氏病痢百壽富春日夜侍湯藥不去側祈禱備至寢食俱廢咸豐十年七月晦賊至其家百壽揖而告之賊曰與我金則可遂盡搜所有而與之賊曰念孝子不殺汝割一耳而掠富春去百壽痛甚兩目爲昏但聞母罵聲少頃視母已死矣年八十三同治八年旌監生褚璋妻蔣氏素勤儉年六十有六猶事女工家範肅然咸豐十年七月二十九日賊陷里奔竄者紛紛蔣泰然無懼

色或詢之曰已卜死所矣賊入其家向蔣索金蔣曰以十指
養一家將何物飽汝耶賊懼以刃遂厲聲大罵賊殺之同日
有監生馬諳妻朱氏年七十一與夫俱死難又徐恩妻鄭氏
年六十四亦罵賊死俱同治八年 旌

俞球繼室王氏夫故守志三十餘年撫孤成立視前氏所生
如已出咸豐十年七月二十九日賊至縱火自焚年八十有
一婢秋菊見主母死亦跳入火中同燼焉同日有俞洪範妻
陳氏及二女一適王沛一未字亦自焚死俱於同治八年

旌

蔣熊周妾孫氏儉而勤烹汲事皆身任之夫故守志撫遺腹

子作堂成立戚黨賢之咸豐十年七月二十九日賊至作堂遇賊受傷投水死氏亦死焉同治八年旌

周省之妻李氏諸生文鎬女亂時奉姑忻氏避地里南楊家橋咸豐十年七月晦賊陷里氏聞人聲鼎沸急脫釵鈿奉姑曰姑老可暫避婦幼不可以見賊遂攜女一姪女一投河死同治八年旌

張詒堂妻徐氏生女愷姑性孝能先意承志氏鍾愛之故笄猶未字也咸豐十年七月二十九日賊陷里時徐衰老多病愷姑侍湯藥不去側賊入門女謂賊曰毋驚我母毋近我身我雖弱女子亦能拚命殺汝汝勿易視我也賊怒與其母均

殺之徐年六十女年十九同治八年 旌

邱六姑秉鈞女未字事母以孝聞咸豐十年七月二十九日賊至侍母費氏匿蘆葦中偶窺賊被賊見遂挺身出語賊某處有藏金可同往掘之賊監之行至一池畔忽大呼躍入水中死賊相顧驚嘆而去母賴以免越日母殮其尸顏色如生年僅十七同治八年 旌

徐全慶妻張氏亂時避秋涇浜咸豐十年七月賊掠其村張度不能免抱子投水死年三十一時有謝益三妾邱氏避大有橋亦殉難年二十五同治八年 旌

王傳妻金氏監生王佩芝子婦也咸豐十年七月二十九日

賊至懼辱與夫妹二同時投水死妹一字同里監生陳烈秉
一字董某均未嫁同治八年旌

張慶森妻敖氏以孝聞咸豐十年七月二十九日賊陷里時
敖甫產子且病尚臥床褥間姑與妯娌不忍遠離敖知之先
將子縊死并自經於室舉室始他避後卒免於難同日有周
遠香妻梅氏亦雉經死子全寶女招姑同殉難同治十年
旌

王溶妻張氏諸生張郁周女王洵妻屠氏諸生雲堯女妯娌
也先後來歸事翁姑以孝聞洵早世屠守節撫孤二十四年
孤又夭因以張出次子鑑香爲嗣咸豐十年八月六日賊至

同時自經死稱二烈婦云鑑香旋亦殉難同治十年 旌
馬振祥妻金氏夫家固貧氏布裙椎髻操作無怨色咸豐十
年八月六日賊至斧門入門臨菜蔬橋亟出投水死同治十
年 旌

殷桂生妻賈氏咸豐十年八月六日賊至夫遇害賈被執賈
給賊曰我婦人艱於步履若許緩行則願從焉賊綴婦行至
河時忽大呼躍入水中死同治十年 旌

朱方來妻賀氏性淑靜井臼操持不憚勞苦咸豐十年八月
六日有鄰婦入告曰寇已至尚弗去耶賀攜幼女亟沉於闌
干橋河家故臨溪越日尸浮至其門前而止色如生因殮焉

同日有王會田妻胡氏胡鳳池繼妻唐氏吳如棟妻盛氏韓某妻葉氏朱某妻某氏楊某妻王氏王某妻張氏均投水殉難俱於同治十年旌

周俊方妻施氏住里西紹文橋咸豐十年八月三日賊掠其村施急脫釵環奉夫令遠避施侍姑匿密室中得免賊退訛聞夫遇害憤甚攜子女投河死次日夫歸殮其尸顏如生而目不瞑族姪周慶妻蔣氏同死又同村懋廷妻某氏夫故守節遺一女贅壻許兆升於家賊至兆升被執母女投水後兆升亦不屈死俱同治十年旌

張申寶妻錢氏夫故守節撫遺腹子成立咸豐十年七月二

十九日賊至與子大寶投鴉髻浜自盡裙帶繫數石惟恐不溺云同治十年 旌

王阿綠處士楊福龍家婢張順順吳金樞家婢遇賊追逼恐被污均投水死同治十年 旌

陳氏女錢塘人幼失怙恃依表兄蘇善溥寓居里中女性貞靜通文翰咸豐十年七月晦賊至善溥先被執及女欲曳以行女曰無握我我自行也出門卽漾葭灣躍入水中死同治十年 旌

秀水諸生朱榮恩妻高氏咸豐十年四月城破隨夫避里北國界橋榮恩家素貧至是益窘時賊踞卽有散米以賑饑民

者鄰婦謂高可勸榮恩往就之高曰盜人之粟以食人與人自盜以食也何以異與夫閉門同餓死子某年幼爲鄉人攜去得免榮恩死事忠義錄有傳同治十年 旌

陸景遠妻徐氏年七十咸豐十年四月城破來避於里里陷有勸其再徙者曰到處皆賊去將焉往投板橋浜而死時有監生葉奎妻楊氏陳廉妻葉氏葉少蓮妻戴氏並本邑人皆殉難戴氏攜幼子投水死又沈某妻某氏秀水人陸柳溪妻管氏桐鄉人陳某妻翁氏紹興人周某妻某氏蘇州人均寓里先後殉難俱同治十年 旌

州同銜潘蓀壽妻王氏監生德麟女年二十六夫亡遺孤祖

懋甫離襁褓撫教成立備極勞苦氏歸潘時舅姑已故事伯叔維謹守節三十年卒同治十一年 旌

議叙州同何國槐妻宋氏監生應麟女年二十二夫亡氏闔戶投繯欲以身殉賴救得甦姑慰諭之曰殉節易守節難願爲其難毋爲其易况姑老子幼何忍遽棄耶氏泣而從之撫子讀書入庠守志七年卒同治十一年 旌

張耀山妻祝氏鑑臣女幼慧識字在室事父母盡孝既嫁事翁姑盡禮年十九夫亡長齋誦佛守節三十六年同治十一年 旌見存

張鳳祥妻胡氏監生炳章女年十九夫亡無子事姑孝居喪

哀敬盡禮家故貧蠶織以食刻苦自勵守節五十一年同治十一年旌見存

監生杜熙繼妻錢氏國學生貢九女年二十九夫亡無子繼姪德馨爲嗣撫教兼至不事姑息守節四十六年卒同治十一年旌

張雲章妻陳氏維幹女年二十九夫亡事姑盡孝教子倍嚴守節三十五年卒同治十三年旌

監生何攀龍繼妻徐氏武生恒九女性端嚴善持家處置井然年二十一夫亡矢志撫孤視前氏所生如已生家饒於資而布衣蔬食操作不倦守節四十七年卒同治十三年旌

何鳴岐妻岳氏明鑑女年二十一結褵僅數月而寡視夫含殮畢遂絕粒誓以死從姑委曲勸慰乃進食奉姑壽終無缺禮無子撫夫弟鳴鸞子宗澣爲後守節四十七年卒同治十三年旌

蔣雲龍妻胡氏六品銜錫祥女自幼歸蔣爲養媳既婚年二十五而寡無出翁姑早世遂歸事父母母歿家政賴以佐理縫紉烹汲悉任其勞守節八年卒父爲之殮並合葬焉同治十三年旌

何陳禧妻周氏監生連鈞女何品咸妻陳氏處士慧女妯娌也周年二十四夫亡遺孤汝恒陳年二十五夫亡遺孤汝泰

均撫教成立周守節十二年卒陳守節五十年卒一門雙節
俱於同治十三年旌

監生何景文繼妻俞氏球女幼慧能得父母歡年三十夫亡
子汝同方襁褓並撫前室所出諸孤而教之善持家摒擋井
然守節三十四年同治十三年旌見存

陳補雲妻沈氏年三十夫亡撫孤成立恃鍼黹爲活奉姑壽
終無缺禮子允升早世晚境益貧姑媳孀居刻苦共礪守節
四十二年同治十三年旌見存

朱步鄉妻沈氏季女自桐鄉遷居梅里年二十夫亡無子焚
焚子立賴十指爲活晚年依尼庵而居焉守節三十五年同

治十三年 旌見存

監生何啟文妻陳氏兆昇女年十八夫亡無出撫姪汝昌汝珍爲後布衣蔬食清操凜然守節十四年同治十三年 旌
王長春妻朱氏庠生煥女年二十八夫亡撫孤成立守節十四年卒同治十三年 旌

梁心源妻鄭氏年二十七夫亡無子熒熒子立紡績自食晚年耳聾目盲粗飯敗絮艱苦萬狀守節四十七年卒同治十三年 旌

金廷標妻徐氏森嚴女年二十九夫亡家故貧賴針黹以養守節三十一年卒光緒元年 旌

秀水嚴勲妻王氏壬茂女年二十二夫亡無子撫姪爲嗣事姑孝遇事知大體遭粵匪亂自禾城遷居梅里夫兄舉人炳及姪庠生寶森等均死難并先世遺棺十三口悉殯葬焉娶媳早故并曰操作不辭勞苦守節三十六年卒光緒元年旌

宋禹懷妻蔡氏年二十一而嫁嫁甫數月適禹懷病瀕危遂與夫決曰生同室死同穴無他志焉及視夫含殮畢卽逸出赴水死光緒元年旌

武生金大綸妻姜氏年二十七夫亡抗志不粒欲以身殉夫叔武舉國均因命立姪啓賢爲後遂悉心撫育獨居一室長

齋繡佛守節八年卒光緒元年 旌

何繼福妻徐氏監生熊然女年三十夫亡侍邁姑撫幼孤備極勞苦氏幼聰慧通文翰課子汝梅讀昕夕篤責不稍暇里有逋負貧不能償者其券悉焚之及殯葬舅姑婚嫁子女皆中禮守節二十五年卒光緒元年 旌

何世勲妻王氏監生大本女年二十一夫亡無子遺一女嫁之以時撫姪益昌爲嗣性尤孝事姑十八年如一日守節二十年卒光緒元年 旌

從九品沈易妻周氏監生槐堂女年三十夫亡撫孤培誠成立自遭兵燹家業中落氏屏去婢媼凡縫紉烹汲諸事皆身

任之獨居一室長齋誦佛守節三十一年光緒元年旌見存

楊慶源聘妻陳氏振三女自幼歸慶源爲養媳年十八未婚而夫亡有議改適者氏曰從夫義也豈有以不義陷人者言已哭不成聲以首觸棺欲以身殉翁姑許以成服守志方不死翁繼逝氏事蠶織奉孀姑甘旨無缺守貞五十年光緒元年旌見存

監生楊其祥妻姚氏從九允升女年三十夫亡矢志撫孤旋遭粵匪亂翁姑繼逝質釵鈿以殮初賊至子櫬失散氏泣曰十年苦志爲此一脉之繫今無望矣急出而沈於河賊退遇

救得不死越宿輓歸亦無恙既爲娶婦生孫始稍稍有喜色也守節二十八年光緒元年旌見存

何馨墀妻李氏監生琥女嫁時舅姑俱年邁事之維謹年十九夫亾遺腹生女撫從姪爲嗣持家教子闢範肅然守節五十年光緒元年旌見存

宋岳源妻姚氏福林女年二十三夫亾事姑孝遺孤天德撫之維謹長多病故荼苦尤甚守節五十二年光緒元年旌見存

宋崙源妻王氏庠生步瀛女年二十三夫亾無出勸翁納妾金氏生子鶴源詞源金早卒二子未離襁褓撫之維謹旣爲

舅姑治喪葬爲夫第畢婚配皆中禮守節三十八年光緒元年旌見存

王寅清妻沈氏維賢女年二十九夫亡無子遺一女撫而嫁之守節二十三年光緒元年旌見存

監生姜煥謙妾王氏耀廷女生而端淑年二十四夫亡子增氏所出甫四歲鞠育成立治家井井模範肅然守節四十一年光緒元年旌見存

王祁經妻金氏監生漁莊女年二十三結褵僅半載而寡持家撫孤教養兼至守節四十九年光緒元年旌見存

沈椒園妻魏氏稼登女年二十一夫亡無子撫族姪爲後家

故貧孤寡不能存活遂依兄而居紡績自給守節三十餘年
卒光緒二年 旌

任光清妻張氏監生鈞若女事舅姑以孝聞年二十九夫亡
遺二子俱幼撫教成立守節 年光緒二年 旌見存
姚蘭生妻姚氏年二十四夫亡翁姑貧老蠶織以養守節三
十五年光緒二年旌見存

蔣熊周妻陳氏年三十夫亡遺孤作堂妾孫氏出撫教成立
守節二十餘年卒孫氏亦以苦節聞遭亂與子殉難另有傳
光緒二年 旌

王安山妻魏氏東溪女年十七而嫁安山故病瘵扶掖成婚

甫逾月而夫亾氏一痛幾絕夫家赤貧乃詣父乞棺衾以殮
遂堅臥絕粒死光緒二年 旌

監生蔣榮齡妻何氏太學生元暉女榮齡嘗刲股以療親疾
在孝義傳氏年三十夫亾遺孤復殤孝養其姑以壽終守節
二十八年卒光緒三年 旌

監生蔣魁妻姚氏太學生漢文女年二十三夫亾無子奉姑
十餘年如一日守節四十四年卒光緒三年 旌

李蔗田妻姜氏年二十三夫亾遺孤僅三歲時翁在堂仰事
俯育紡織以佐饗殮守節二十三年卒光緒三年 旌

周來儀妻夏氏副貢昌祚女年二十夫亾無子翁姑繼逝遂

歸事父母父病祈禱備至終不起哀毀成疾嘔血死距父歿未匝月也守節二十五年光緒三年 旌

屠突如妻徐氏年二十八夫亡撫孤成立時翁年老目盲事之能得歡心人稱其孝守節四十一年卒光緒 年 旌

俞奎元妻曹氏坤揚女年十八夫亡翁姑早世遺孤孝通僅五十日遂歸家依兄以活兄不娶家貧薪水之勞悉賴之守節十一年卒光緒 年 旌

夏兆基繼妻王氏兆良女年二十八夫亡仰事俯育子紡織以佐持家勤儉至老勿衰守節六十年壽終時已孫曾林立光緒三年 旌

方秉忠妻陳氏方秉信妻沈氏妯娌也陳年二十八夫亡後以目盲耳聾常依母家而居守節二十四年見存沈年二十六夫亡守節十一年卒均無子一門雙節光緒三年旌

王安妻張氏瑞湔女以孝聞年二十六夫亡無子舅姑繼逝笄子無依遂歸事父母母胡氏病篤嘗剖股和藥以進得痊守節二十七年光緒三年旌見存

姚耕香妻徐氏年二十九夫亡遺孤二甫離襁祿氏撫養成立守節二十八年光緒三年旌見存

從九品金彭齡妻史氏庠生大勲女年二十五夫亡無子以姪安鼎兼祧守節三十八年光緒三年旌見存

王德鰲妻張氏監生衡女年二十夫亡撫嗣子成立長齋繡佛守節二十年光緒三年旌見存

方遠帆妻陳氏韻女年三十而嫁嫁未逾期而寡食貧矢志紡織以養守節二十六年光緒三年旌見存

虞澄卿妻汪氏年十七夫亡遺娠生子葵撫教入庠既又病故守節三十八年光緒三年旌見存

金載厚妻馬氏庠生源女年二十六夫亡撫孤復殤守節三十四年卒光緒三年旌

陳洪熙妻范氏敦醅女年三十夫亡無後撫姪爲嗣遭亂由禾城徙居梅里里中水星庵傾圯氏倡捐重建長齋誦佛守

節二十七年光緒三年 旌見存

李德漱妾呂氏年二十三夫亡無子家貧獨力賴十指以資薪水守節三十五年卒光緒三年 旌

沈道倫妻程氏性靜默能女工既嫁持家勤儉克盡婦道年三十夫亡無子守節三十餘年卒光緒三年 旌

金吟舫妻蔣氏緒昌女年二十二夫亡食貧守志篝燈紡織寒暑勿輟守節六十餘年卒光緒三年 旌

沈節婦青年而寡撫二子一女遇歲荒恒不給爲人傭工以活向爲馮太史登府家婢歿後登府爲之傳惟夫名氏守節年分均無考

沈乾齋妻張氏鈞若女年二十五夫亡撫孤成立守節二十年見存

監生張熾妾倪氏雲屏女年二十九夫亡遺孤宗敏氏所出也撫教成立守節二十年見存

褚耆徵妻胡氏起鳳女年二十一里遭兵亂耆徵被擄不屈死遺孤尚在襁褓氏織紵力食撫鞠成立履冰蹈火矢志不移守節十七年見存

李宗義妻方氏年二十嫁未兩月適遭喪亂宗義殉義死氏銜哀飲恨雖時難年荒衣食不給而矢志不渝守節十七年見存

方寶田妻李氏年三十夫遭兵亂殉難流離困苦誓以死守
苦節十七年見存

監生祖樹滋妻蔣氏議叙八品職銜逾女年三十夫亡撫遺
孤復殤茹荼飲藥備歷艱苦守節十七年見存

沈貞女自幼歸顧二寶爲養媳年十八將議婚旋遭兵亂二
寶被擄殉難貞女志堅金石誓以死守翁繼逝姑病癰家政
賴以主持夫妹及笄嫁之以時夫弟尙幼撫之維謹守貞十
七年見存

沈學禮妻周氏友蘭女年二十六夫亡無子守節十五年見
存

沈幹妻王氏古山女年二十七夫亡矢志撫孤守節十四年
見存

監生戴金祥妻余氏林女兄也生母早世撫弟妹維謹性孝
先父晚年善病鹽櫛抑搔曲順其意夜常數起不以爲勞既
嫁事上御下盡得歡心年三十夫亡無出立姪爲嗣撫之如
所生守節十三年見存

陳啟山妻凌氏大發女年二十八夫亡二子一女俱幼家貧
賴針黹度日子女各爲婚嫁今年六十餘現存光緒十四年
旌

鄭萬春妻張氏石泉女十九歲夫亡無子姪以翁姑無人侍

奉不忍殉曲盡孝道里共賢之今年六旬外現存光緒十三年旌

夏允齋妻張氏榮錦女三十歲夫亡姑老子幼仰侍俯育兼棹家政兒稍長卽爲完姻不料又遭顛沛兒媳雙亡不勝哀痛又撫兩孫成立現存光緒十四年旌

金紫卿繼妻曹氏閩卿女年二十九夫亡時粵匪未平撫前姪黃氏子甫三歲名泰華人邑庠今年近六旬現存光緒十四年旌

監生王繡塍妻張氏世衡女年二十三夫亡翁老子幼家貧克盡婦職庚申之變室廬被燬翁又去世愈加艱苦守節三

十四年卒光緒十四年 旌

曹順昌妻鄭氏瑞徵女年二十九夫亡事姑極孝家貧賴女工糊口撫孤成立守節五十七年卒光緒十四年 旌

縣丞王師泉妻蔣氏生穀女年二十八夫亡值粵匪之亂奉病姑避難姑卒於路親戚四散哀毀中獨營喪事猶能盡禮賊平扶櫬還鄉撫孤成立守節十八年卒光緒十三年 旌
監生王師旦妻褚氏耐安女年三十夫亡姑老且病曲盡孝道能得姑歡心兼撫幼孤成立守節二十年卒光緒十三年 旌

監生錢椿齡妻王氏侃齋女年二十七夫亡孤僅二齡家貧

如洗勉力支持門戶庚申之變生計已絕決擬殉難賴親戚
張錦春勸止挈其內眷全避鄉村得免守節三十一年卒光
緒十五年 旌

董敬宗妻張氏文龍女年二十四夫亡翁姑年老孤僅三齡
家貧仰事俯育賴氏耕織歷久不怨守節二十二年卒光緒
十五年 旌

張遠香妻吳氏森華女年三十夫亡門戶乏人乃朝理店業
夜勤紡織以撫遺孤現存光緒十五年 旌

周上榮妻吳氏德言女年十九夫亡遺孤僅兩月家貧仰事
俯育之資賴氏力能耕織不致凍餒守節至七十年卒光緒

十五年 旌

何閔齋妻王氏餘三女年二十一夫亡翁姑在堂遺孤在抱
不辭辛苦以操家政人皆賢之守節十四年卒光緒十六年
旌

沈季英妻戴氏末樵女年二十八夫亡家赤貧翁姑衰老遺
孤幼弱奉養之資半賴親戚半由紡織守節十九年卒光緒
十六年 旌

楊寶奎妻莊氏品享女年二十七夫亡家已拮据庚申之變
業盡蕩賴工作以撫孤守節十八年卒光緒十六年 旌

孝女周福姑父春園家貧無子業茶女十齡便工針黹佐炊

父病女剗股仍然罔效卒後孝母錢氏更篤憐母老無依矢志不嫁後母病醫治罔效亦卒女送殮畢將所有物付託母舅囑其代爲營葬遂絕食而死年三十三歲卒光緒十六年旌

宋子青妻楊氏畏三女年二十七夫亡二孤俱幼性和婉能得翁姑歡蓋閨訓素嫻也後婚娶已畢守節二十四年卒光緒十七年旌

任濟齋妻王氏萬增女年三十夫亡孤在襁褓向業首飾氏兼管內外後家漸艱難店遂歇及子完婚未久而子又卒憤不欲生至有孫在得止今年已六旬現存光緒十七年旌

金義隆妻周氏正興女年二十七夫亡家纂質孝事翁姑盡心撫子更勤紡織以佐饗殮今已七旬外現存光緒十七年旌

王俊傑妻高氏振基女年二十四夫亡遺二孤俱幼家貧藉紡績自給撫孤成立均爲完姻今年七旬餘現存光緒十七年旌

王廷宰妻張氏桂林女年二十九夫亡事姑盡孝訓子維嚴子旣長凜凜規矩今年已六旬現存光緒十七年旌

魯吉生妻汪氏士協女二十二夫亡無子誓以身殉因姑勸得止曲盡孝道守節四十三年卒光緒十三年旌

監生朱勲妻陸氏懷亭女三十歲夫亡姑老子幼義不得殉
及姑卒哀毀成疾守節十八年卒光緒十七年 旌

陸蓮馨妻胡氏景賢女夫亡服毒殉節年三十九歲光緒十
七年 旌

董宗熙妻祁氏振榮女年二十六夫亡上有祖姑小叔尙幼
一家三口伶仃孤苦太姑卒拮据營喪歸董六年五厯斬衰
守節七年卒光緒十七年 旌

宋岳源妻姚氏福林女年二十三夫故子一尙幼撫孤成立
將爲謀婚而子又卒孑然一身形影相弔壽至七十餘卒光
緒二年 旌

宋蓉山妻王氏澹泉女年二十四夫故無子女叔伯以翁姑在堂不忍殉乃勸翁置側室生二子而庶姑卒二叔尙在襁褓翁姑又相繼棄世艱苦備嘗撫二叔成立今年七十餘現存同治十二年旌

宋詩懷妻王氏成章女年二十一夫與夫弟同時染疫卒夫弟宋禹懷妻蔡氏坤元女無子見夫垂弊卽赴河殉節年亦二十一歲事在同治二年王氏時方懷娠未而月舉一子家貧不勝拮据撫孤成立至光緒八年卒年四十一歲蔡氏於光緒二年旌王氏於光緒十三年旌

王者香妻俞氏恒山女年二十五夫亡遺一孤止彌月又六

日時值亂世氏歷盡艱辛撫子入泮今年已五十四歲現存

光緒十六年 旌

閨秀

補古來名媛詠絮吟椒盛傳後世吾里名門淑女通詩書
工賦咏不少閨中之秀今特紀之以補邑志所未及云
王元珠字淑齡又字餐霞方伯庭幼女先太母之姑也歸徐
孝廉剛振母蔣夫人喜禪悅耽吟詠淑齡夙承庭訓綽有淵
源芍藥之花葡萄之樹題詠殆徧可想見其林下風致矣
李瑤京字西瓊太學寅長女適海寧祝翼鏗當未嫁時母顧
孺人命詠雨中柳絮其落句云自甘潔白露泥住勝逐風花
滿院飄母愀然顧謂太學曰是兒志可知然何不祥也後果
以節著迺所謂詩識者非耶

徐範字儀靜號玉卿禾中海門女貞木之姊有跛疾海門善書範童而習之又工畫梅蘭家貧日夜泚澣以給食齊眉唱詠以終稿曰紅餘沈夫人紹蘭梓而傳之

王荃字靜媛一字蘆邨文學坦菴女女紅之暇輒習韻語歸史秀才先震未二載卽病病中盡焚其稿歿後先震檢其奩具得零艸數紙彙鈔成帙朱太史彙尊題曰雀桁門才林下姿貧家門戶苦難持紡磚蠶具多零落傳得盤中舊日詩

吳巽字道嫻小字秋蟬鄭布衣聯之室閨中唱和甚多所著聽鴻樓詩識者品爲浙西閨秀之冠聯四十無子氏爲納妾禱之竈神刊施陰騭文功過格夫婦手自校訂刻甫竣次年

舉一子其誌喜詩曰翻嗟姑舅先朝露未得生前一弄孫誌

喜中轉復增悲微特不妬彌見孝思矣

天香錄道嫺詩和雅莊重沈宗伯德潛

稱其無脂粉氣許燦謂其當與鄭貞懿肅離集方孟旋叔蘭閣集並駕齊驅其哭母一篇凡一千四百六十字在閨閣中直欲橫絕古今矣

李茂蘭字芳谷明經之械女太學錢思永室工詩

蔣永端字含章伏羌令薰曾孫女歸吳中沈芳洲有痼疾終日兀坐而已含章感憤無聊之意託諸詩以自遣早卒李明府集序其詩而刊之

楊氏行三適陳太學廷鑾余同母女弟也少喪母育於大母王孺人授以毛詩內則列女傳諸書間作小詩其送姊氏歸

云歸夢南樓月離情煙浦雲無言正惆悵征雁不堪聞惜早
亡海鹽朱明府炎作詩輓之云小樓拈管蹙吟眉八體時參
幼婦碑會得右軍書外旨思親除夕句堪悲三妹書學曹娥碑有除夕思親
詩譚經促坐喜忘餐兄妹高情舉世難他日大雷經過地結
荷棧石曉風酸封胡羯末有聲聞咏絮才高又絕羣正是朔
風吹雪候謝庭蕭寂黯同雲

補李璠字瑤圃從叔旦華女通詩禮習聞家訓嗜吟詩適同
里張之樑閨中倡和篇什漸多頗得風人之旨賦性婉靜不
以華靡撓心臨絕吟一律有云卅載齏鹽甘澹泊一天風雪
了因緣

汪玳字杏圃從叔文學德華室秀水翰撰如洋從兄女能詩朝夕吟詠有倡隨之樂結褵三載從叔早歿歸依母氏不數年悲鬱以卒

吳筠字晚芬孝廉李貽德室廣文基女工詩辭旨雋永而筆亦善達早卒

李曉字梅卿庶吉士馮登府室文學能容女擅吟詠兼能倚聲吳江郭麐靈芬館詩話頗稱之

已上俱補

續徐玉如字蘭素崑山徐司寇乾學元孫女以能詩聞歸馮

明府渠每以不及奉養先人爲憾嘗云婦道首孝今我來君家所得盡心者惟虛祭耳明府爲泣下

續梅里詩輯

李祥芝教諭傑女自幼穎悟徧誦六經左氏等書工詩錢宮保陳羣諸太史錦皆稱賞之母喪哀毀致疾而歿邑尊朱司馬緒曾搜遺稿補入梅里詩輯

李蕙草上舍知敬女早嫻文翰詩工體物閨中唱和甚多妹瑞草嘉寶皆工詩蕙草瑞草未嫁早卒嘉適秀水貢生陳晚蘭寶適海鹽諸生張青城

沈玉筠字淨香上舍愛蓮女兄適秀水陶鎮能詩善病藥爐茗碗圖史叢雜年未三十而卒

陳受之字壽芝基女上舍沈愛蓮室嘗手寫唐詩數冊尋繹吟諷遂深見解李明經富孫稱其小詩不事雕飾而婉麗可

風

李植自號梅溪女史太守宗渭女平湖觀察高衡室工詩稿
多散佚當湖胡氏采其詩入構李詩繫

任夢檀光祖女孫文學陸頤高室性慧耽吟詩多寄託如庭
中雀云厨頭寂寂無炊烟曷不飛就前溪田前溪田儂家賣
藥貧過殘年

鄒采霞號蘭芬蘇州孝廉熙女弟上舍胡善裕室能詩兼工
繪事

汪□字允卿處士鄭福凝室能詩